

Program Jalinan SKK, UA tingkat kecemerlangan murid

BERITA HARIAN
13/10/2016 p. 17



Dr Noorul Ainur (tiga dari kanan) beramah mesra dengan penerima Anugerah Kecemerlangan Jalinan SKK dan UA 2016.

Serdang: Program Jalinan Sekolah Kluster Kecemerlangan (SKK) dengan Universiti Awam (UA) sebagai platform paling berkesan bagi membantu pihak sekolah khususnya dalam melengkapkan murid dengan kemahiran berfikir aras tinggi.

Ketua Setiausaha Kementerian Pendidikan Tinggi (KPT), Tan Sri Dr Noorul Ainur Mohd Nur, berkata melalui program itu sekali gus membolehkan murid mengaplikasikan pengetahuan secara kritis dan kreatif dalam situasi baharu yang berlainan.

Katanya, program itu bukti kerjasama erat antara KPT dengan Kementerian Pendidikan Malaysia

(KPM) selaras hasrat Pelan Pembangunan Pendidikan Malaysia (Pendidikan Tinggi) 2015-2025 PPM (PT) serta Pelan Pembangunan Pendidikan Malaysia (2013-2025).

Beliau berkata, melalui program itu, UA bertindak sebagai mentor kepada beberapa SKK yang dipilih. “KPT telah pun memperkenalkan Konsep Keserakanan dan Kesepunyaan (KnK) yang menggalakkan perkongsian kemudahan dan prasarana fizikal pembelajaran dan pengajaran serta penyelidikan.

Menjana sinergi

“Konsep KnK di antara UA ini turut diguna pakai khususnya dalam

menjana sinergi antara universiti dan pihak sekolah bagi melestarikan kecemerlangan pendidikan terutamanya di dalam bidang penyelidikan, inovasi dan pembangunan,” katanya berucap merasmikan Majlis Anugerah Kecemerlangan Jalinan SKK dan UA 2016 di Universiti Putra Malaysia (UPM), di sini, kelmarin.

Yang turut hadir, Pengarah Bahagian Pengurusan Sekolah Berasrama Penuh dan Sekolah Kluster Kecemerlangan, Datuk Rashidah Md Arif, Timbalan Ketua Setiausaha (Pengurusan) Kementerian Pendidikan, Jamil Rakon serta penyelaras utama program, Prof Dr Ab Rahim Bakar, ran (PdP).